

Vg  
613









W. 202. 28

Vg  
613

# Apologia für die Schöfferin zu Eysenbergk

Auff das gotlose Büchlin so für Ern Simō  
So sich schreybt von Gots vnn d'ess  
Römischen Stüls gnaden  
Apt zu Pegaw. .

C. D. V. V. id est. Contz Drometers von Nicolaß  
hausen / auff h. p. V. h. id est. Heinz  
pfeffers von Himpelbach.

Mathei. 21.

psalmo. 8: Ex ore infantium et lactencium perfecisti laudem  
propter inimicos tuos / vt destruas inimicum et ultorem.





## Obichrift.

Um Ersten/hat Heinz pfeiffer/son an seym Buch  
gemalt die spruch Sanct .Pauls. 1. Corinthi. 10. Die  
weyber sollen in der Kirchen schweigen :c. 1. Thimo. 2. dē  
weyb laß ich nit zū zuleren :c. Darauß er sleust/ die Schöf  
ferin hab vnrecht than/ daß sy wider den Abt geschriben  
hat/ Merck aber lieber Leser / wie gibt er hye sein vnuer  
stand in der schrifft so gröblich an tag/ do er on alle vnd  
scheid/ on ausschliessung götlicher berüffung/ vnd gegen  
wertiger not / Die selbigen spruch auff alle weiber zeügt  
als wer nymer einē weyb zūgelassen / zū schreiben oder zū  
lernen. Sag nun lieber Heinz / was hat Maria die reyne  
juncfraw gesündigt in yrem lobgesang/ hat sy nit darin  
vom glauben vnd götlichen wercken krestiglich gelert  
Darzū auch gottes straff/ vber die gotlosen verkündigt  
Ist on mittel allen weybern lernen verpoten/ vnd gepotē  
zū schweigen/ war zū wirt es dan nütz sein/ das Got ver  
heissen hat Jobel: 2. Es sol geschehen yn letzten tagen/  
wöl er außgiessen von seinē geist/ auff alles fleysch/ vnd  
ewere jüngling spricht got sollen gesicht sehen/ vñ ewere  
Töchter/ sollen weyssagen :c. Hastu nit gelesen Acto: 21:  
das Philippus ein Euangelist/ einer auß den siben/ hette  
vier Töchter die weissagte/ Aber wie wiltu mit s. Pauls  
besteen/ des schrift du so engstig handelst/ spricht er doch  
1. Corinth: 11. Ein weib daß do bett oder weyssagt/ sol yr  
haubt bedeckē/ Weyssagen aber ist nit ein heimliche stille  
gab/ sonder von got zū offenlicher besserung der gemeyn  
gegeben/ wie S. Paul. 1. Corint. 12. anzeigt/ Warumb sol  
es sich den noch zū vnser zeyt nit zymen/ einē weib so mit  
rechtem verstand der schrift von got begabt zū lernen/ wo  
es von nöten ist/ wie yzund do vnser wechter blindt vnd  
stumme hundert sein wordē/ Wie der prophet Esa: 56. saget.  
Sehen nit wie das arm chystlich volck vorfürt wirt/ vnd



weren nit allein nit/sonder helffen darzu. Ist dz vnrecht  
thō/das dises weib/in solcher geferlicher zeit/nach chriſt  
licher pflicht/yren nechsten menschen gewarnet hat/sich  
vor solchen lügeredern zu hüten: Das du aber erkennst  
das dise sprüch nit wider einander sein/auch dem vnnütze  
pfeyffer nichts helfen/so merck das S. Paul den weybern  
verpeüt/in der gemain zu reden vñ zu leren/so fern män  
ner vorhanden sein/die gottis wort zu leren/haben: vnd  
darzu geschickt sein/vnd nicht stilschweigen/Deñ sol ein  
weib dem man die eer geben/vnd mit demütigen sitten  
zu hören/Dieweil auch das geschepf gottis sollichs erfor  
dert/der den man zum heupte des weibes vñ vorgeher ge  
schaffen hat/Wen aber kein man vorhanden ist/oder ist  
gleich einer oder mehr vorhanden/sie wissens aber nit/od  
wollen es nit thon/Deñ sol ein weib frölich auftreten/so  
ir got die gnad hat geben/vnd leren ermanen. wie eym  
yglischen chriſten zu steet/die bekenntniß vnd außbreitung  
des glaubens Dise glosß volgt klerlich auß den wortē S.  
Paul:(auf dz du nit auch hie sprechest ich hab sein wortē  
ein wechsele nase gemacht) do er sagt/Dē weyb laß ich  
nit zu daß sy lere/auch nit daß sy hersch vber dē man/Vñ  
in sumā dise sprüch s. Pauli. 1. Timo. 2. et. 3. Itē. 1. Cor. 14  
Er zwingen nit mehr dan das die weiber demütig/gehor  
sam vnd eherbüttig sollen sein gegen den mannen/aber  
doch nit den lügnern vnd gotsflesterern/als der Apt von  
Pegaw ist/raum geben/sondern denselbigen als dem teu  
fel widerstehen/Deñ so ein weyb wolt herauß blazen/vñ  
die erst in der gemain gesehē sein/wer ein zeichē eins vber  
müts/wen aber/wie obē gesagt/Kein man verhandē ist/  
oder dem teuffel niemant wil weren/wie yderman zu di  
sem lügen büch des Abts von Pegaw hat stilgeschwigē/  
dardurch die verstockten/verstockter vnd vil der einfelti  
gen betrogē sein wordē/wer darff den in solcher zeit eins  
chriſtlichen weybs leer vnd warnung verachten/die weyl



sy nit begert zū herschen / sonder hie mit zū dienen / hetts  
gern geschwoigen / wo ymant sich wider disen gozlesterer  
het wöllen setzen / Kan yhr auch sollich schreiben zū keiner  
hoffart oder vermessenheit / sam wolte sie vber den man  
herschē / sondern zū christenlichem eyfer die warheit got  
tis so der Antichristisch Apt lügenhaftig verlesterete zu  
vertretē zū gerechnet werden. Darüb lieber Hainz pfeiff  
vns diser lieder noch eins / du wyrst ehre einlegen / furwar  
die Schösserin sol dir billich dancken / den du hast ye deis  
nem büch ein bösen ein gang gemacht / vnd yr sach / mit  
deinē eygen sprüchen mehr geholffen den verderbt / vnd ist  
dir geschehen gleich wie dem bösen propheten Balaam /  
Numeri. 22. Dem Got sein zungen wandelt das er müß  
das volck Israel gebenedeyen / do ers wolt vermaledeyē.  
Got sey lob der vns solche ehre / auch von vnsern feindē  
thut zc.

## Glorrede.

Es hat Hainz pfeiffer (dan diser Eselische od eptisch schreiber seines  
namē sich schemet / darüb dz es famos libell ist) Ein vorred an dē Cri  
stenlichen leser gestellet / darinnen er die Schösserin beklagt / wie sie ire  
negsten Christen menschen den Apt zū Begawschende / lesterete zc. Ist ye  
am tage / das kein Christen mensch wider Christū redt / wie S. Paul:  
1. Cor. 12. spricht / Niemāt verflucht Jesum der durch den geist Gottis  
redet / Sollich aber leider alzu vil der Apt in seinē büchlin thut / Dar  
rumb er kein Christen heissen mag. Sagt zum andern / Gottis Gaben  
sollen zur besserung vnd nit zū zwitteracht gebrauchet werden zc. Ist  
wol war / zū besserung vñ fride der glaubigen / Dan gottis wort best  
setzt die gotseligen schendet aber / vñ verwirret die gotlosen / Wie auch  
Paul: Act. 9. Vemehr krefftiger wart vnd treib die Juden ein die zū  
Damasco woneten / Der gleichen straffeten vnd schendeten die prophet  
ten gottis / alle gotlosen. Hierumb die feinde gottis schelten vnd ver  
sprechen wol ein teil der weyßsagung ist. Darzū spricht Christus selb  
er sey kōmen das schwerdt / vnd mit den fryden zū senden. Die gotlosen  
auß yrem nest wie den Beren auß der hülen auffhürreiben. Das aber  
Paulus spricht / Got sey nit ein got der zwitteracht / sondern des frides /  
ist war / dan in seinem worde vnd seinen Gaben widerspricht got ym sel  
ber nicht / aber wol den gotlosen & fromē Knechten sollen vnderthan



sein/ Aber mit dē teuffel vñ seinen aposteln / daß die sollen sie vnter die  
 fuessetretten / Wiewol auch die Schösserin yrem man die ehre gibt/  
 doch zympt yr mit dē geist gottis zū verhindern: ist alhie mit des mans  
 nes/sondern Gottis werck / Das aber Heinz eselß kopf den Schösser  
 schildt einen weibischen man/darüb das er sein weib schreiben lasse zē  
 Redet der teuffel auß disem büben/Dañ wie wolt sich einem frommen  
 christenlichen manne bezimē seinē weibē zū weren/das sie mit bekennete  
 yren glauben: So doch paul: 1. Thessa: 5. verbeutet / man solle den  
 geist nit leschē oder dempfen/ym wercke gottis hindert kein fromm men  
 sch. Ein redlich weib ist ein Krone yres mannes prouer: 12. vnd durch  
 weise weiber wirdt das hauß erbauet prouer: 14. 2ē. Derohalbē der  
 grobe Heinz gar vnerschampt leigt da er spricht/das in disen geist  
 lichen sachen ein weib zū vermeydensē / als das feuerblasige thier  
 chimera mit vielen andern schmebung der Weiber/Das er aber die  
 Schösserin schildt sie habe sich mit frembden feddern geschmückt / Ist  
 yr kein schande/ob sie spruch der heiligen schrift vñ christenlicher leut  
 so die selbige wol außgelegt in yrem schreiben einfüre / Gleych als die  
 zū Jerusalem Christo im einreytten zweyge vnd Kleider furworffen/  
 Aber in des Abts schreiben wirt vermerckt das der esell sich mit einer  
 frembden löwen haut gar bedeckt hat: Dan ye nach gemeyner sage d  
 Apt nit recht einen Brieff kan schreiben/Darumb vermutet wirdt das  
 büch sey seines brüders Doctor bligkē/oder sonst eines gotlosen schel  
 men/Wie er dan yzundt auch durch Heinz pseyffer brüllet. Hiermit  
 will ich gegen einem yden Christenlichen leser/dem grobē Heinzē sein  
 vorrede vorlegt habē/vñ weiter zum büchlin greyffen/Es sey gleich  
 Bocks Emfers odder Doctor Blix oder Heinz pseyffer s/So soll yhm  
 Contz Drometer mit gottes hülff zū handhabung der warheit Chri  
 sti Begegnen.

## Apologia:

Zum Ersten/Das ich erlich mit euch vmbgehe/sr mecht  
 sunst auch sagen ich lestert euch/Gnad herie Apt/sag ich  
 mit ewr gunst/vñ gethonehrerbitung. Gebet fluchs gelt  
 auß/schmirde dem Bocke die höner / streycht im saltz yno  
 maull/domit er sein stym waidlich erhebe/spart nichts/  
 vnd last getrost Bücher schreiben/Ewr yrthumb vnd vor  
 fürerey zūuertretten/auff das solcher narin verstandt vñ  
 weißheit antag kom/Witthe noch mer grobe Heinzē zū



dem/laß liegen/ vnd schmehen noch mehr / Sich was du  
schaffen vnd gewinnen wirst/ es sol dir mit der zeit bezaa  
let werdē was dir lange geporget ist/ do habe keine zwey  
fel an/ Got sol mir das Chrißlich weib fur deinem lügen  
maul wol erhalten/ such auch alle winckel sie zūschmehen  
vnd yr wort falsch zūmachen/ Wie den der prophet saget  
am. 36. psal. Der gotloß trachtet dem gerechten nach/ vñ  
gedencket yn mit den zenen zūreyssen / ader d̄ herr verlas  
chet sie den er erkennet/ dz yr tag verhanden ist / verstehe  
yre tyranney zūerstören. Verberte dein hertz / vñ stöpfe  
dein oren/ vnterstehe dich nur vil / vñnd biß vnuerzaget/  
folge vnd iage mit pharoo dem volck Israel nach / laß  
dich nymandt abwenden/ Nym̄ dein maul vol vol/ lügē/  
lesterwort / als lange dirs Got vergundt / Du solst mirs  
aber nicht aufführen.

Der Schösser in schreyben wirt dennoch wol war bley  
ben/recht sein/ vñnd einen bestandt haben/ auch fur allen  
teuffeln vnd creaturn / Du aber solst zū schanden werdē/  
spot vñnd hōn zū lon entpfahen. Eben wenn du lester  
bist sat wordē/ wie der prophet sagt. Ve qui spernis nōne  
et ipse sperneris. Es sol dir widerfaren wie Herodi/ der  
wolt Christum fressen/ auch sein gedechtnis aufleschen/  
trachtet im auch mit allen listē nach/ was schaffet er aber  
Christus blib fur seiner tyranney im leben erhaltē / Herod  
des sturbe/ vñ wurde mit dem reychen man / Sonder zwei  
fel in die helle vergraben. Ich meine das hieß Christum  
vmb bracht. ¶ Sy du armer modensack/ was vnterstehest  
du dich/ Gottes wort zū hyndern/ Got vō stül zūstoßen/  
menschen wort auff zūrichten / Den Papst an zū betten/  
Du wirst es nicht mehr endē/ Got ist dir zū hoch/ er wirt  
fur dir nicht erschrecken/ weñ du gleich noch zwen spitzig  
hit auftrügest/ Darzū lassen wir vnß yzt nicht effen/ wie  
er wan geschehen / folgen euch nicht singet vnß süß oder  
sawr/ den ewr boßheit ist durchs Euangelium entdeckt/



Also sol das regiment vñ obikeit des widerchristis / durch  
den geist des mund Gottes zerstört werden / vnd auff hös  
ren Wie Esai. 11. ¶ Den sich nur was du mit deinem ges  
mitten schreibē ytz gewunnē hast : was hastu gemacht :  
Dein torheit offenbar gemacht yderman / das man sagen  
muß / Ey wie ein grober Esel ist der Apt zū Pegaw mit  
seinē gemitten schreiben / lest er doch die schrifft mit den  
Bocks hörnern hin vnd wider durchwülen das es yamer  
ist / vñ keinē spruch recht einfürt / Also sol Goliath durch  
sein eygen schwerdt fallen / vñ vmbtömen. Daraußer  
doch hochlich pochet vnd yderman trogen wolt / Auch d  
Apt durch sein eygen schreiben sich schenden ist / vnd sein  
vnerstandt an tag gebracht / Darvon er doch vast seer  
hochmütig wurde vnd stolz / gleych als het man nie eyn  
büch gesehen / Aber got hat solchen hochmüt sein gestraf  
fet / doch heimlich / ehe manß erkandt. Den die ganz welt  
muß sagen vnd bekennen / Das der Schösserin schreyben  
wider den Apt geschehen Christlich / vnd auß der heiligē  
Bibel genumen ist / Auch ytz durch Heinz pfeffer als  
vnrecht / mit keinem wort vberwunden worden ist / vñ  
wirt nochmals wol vnubewundē bleybē / Truz dir Apt  
vnd deinē hoffirer / vberwindet es mit einem spruch der  
schrifft / thüt yrs / so wil ich euch loben. Nemet zeit gnug  
sam darzū / leset die Biblia durch vnd durch / findet yr ei  
nen spruch / mit welchem der Schösserin schreiben nicht  
stymet (woe yr in anders recht einfürt) so schreyt gewün  
nen. Weyl yr dz aber nicht thun können / so habet ewr lü  
genmaul still / last das christlich weib vngeliefert / man  
wirt sunst sagen / Her apt gnad herie mit ewerm hoffirer  
yr lieget / das yr sagen dürfft die Schösserin habe falsch  
dingē geschriben / das yr nicht beweysen müget. ¶ Wolt  
got das wir der weyber vil hetten / es solt schir ein mal in  
der christenheit besser werdē / die lügenprediger Mönchē  
vnd pfaffen wurden zū schanden werden / vnd ein end ne



men/do zweyffelt mir nicht an/Deñ ich mag wol sagen  
vnd wils auch mit hülf gottis wol erhalten/das dises  
weib christlicher geschriben hat/den der Apt zu Pegaw/  
heinz pfeiffer darzu / wen er gleych noch als vil wort ge-  
macht het/wie gefelt das deinem zwispizigen hüt/ herze  
Apt/ Ja ich sages noch eins/Beweiset all ewr Kunst die jr  
hat in leib vn leben/yr solt mir nicht ein solch büch schrey-  
ben/als die fraw geschriben / Laufft alle Mönchen auff  
einen hauffen/ Heinz pfeiffer hoffir auch mit / yr solt zu  
schicken vnd schaffen han/vnd dennoch nichts außrichtē  
¶ Vnd was sol ich vil wort machen/der Schösserin büch-  
lein ist/nichts anders/den gottis wort/wer dar wider red-  
det/der widerspricht der stymm/ des lebendigen Gottes.  
Nun apt hastu/mein ich vsach gnugsam bücher zuschrei-  
ben/zü lestern getrost.Got sey vnß allein gnedig das wir  
fur deinem lestern nicht sterben Amen. Das sey dem Apt  
zum Ersten auff sein gemitet schreiben zü einem neuen  
Jar geschickt/welchs ich ym bessern wil / woe er Gottes  
wort nicht auff hören wirt zü lestern/ vnd die Christen zü  
verfüren. ¶ Zum andern/wollen wir das heuchel büchlin  
Heinz pfeiffers/dem Apt zü gefallen geschriben worden/  
auch ein wenig besehen/vnd etlich artickel widerlegen/  
Es hat heinz durch sein ganz büchlein wider die Schös-  
serin vil wort braucht/die weiber verechtlich zü machen/  
vil hystorien auß der Bibel vō den bösen weibern einge-  
fürt / Wie alles böses von weybern entsprungē/wil do  
mit yderman solch christlich schreiben der frauen zü lesen  
abgeschreckt han/Der weiß klug Logic<sup>9</sup> wie meisterlich  
kan er die sach schmügen / vnd süß dem Apt zü gefallen  
hoffiren/werß glauben wolt / vnd keinen verstandt het/  
möcht hie von seiner torheit bezaubert werden/Er saget  
nur es sein etwan vil böse weiber gewesen/vn heilige leüt  
verfürt/wil darauß schliffen/Derhalben sein alle weiber  
böß/vnd man sol sich fur in hüten/Es wer nicht wunder  
das alle



das alle weiber zusam thcten/vñ reufften Heinz pfeiffer  
d3 im kein har auf dē kopt blibe/lereten in ein ander mal  
sein pfeiffen anders stymen. Du mechst doch 8 müter des  
herin verschonet han/die sunder zweiffel from gewest ist  
vnd niemant verfürht hat/Warū bist den so kune darffst  
vns ex particulari vniuersalē schliffen vñ sagen/Die wey  
ber sein böß gewesen/derhalbē ist alles böß was ein weib  
ist/wie du ex origene bewerē wilt. Ich weiß wen die schöss  
lerin/so nerisch rede gefürt het/wie du hie thust. du wur  
dest noch ein buch daruō geschriben han. Hir auß mercke  
ich zū ersten/das die schösserin mer vstandt in jr hat/den  
du/ob du gleich dein maul ser mit jr spülen bist/vnd auß  
schreyē sie verstehe die schrift nicht/Do wirt war/was S.  
Paul: Ro:2. sagt. Du sagest man sol nicht stelen vñ du stis  
lest selbs. Also Heinz pfeiffer sagestu auch die schösserin  
hab keinē verstandt der schrift/vñ du selbs bist on vstant  
wie dein buch außweist /schar: gleich noch als ser/vschos  
ne allein des hindern/so ist dennoch war was ich hie ges  
saget han. Es hat hei:pfeiffer in seinē lügenbüch wol vil  
schrift eingefürt / doch gemartert wie ein hencfer eynen  
dich. Reymen sich auch sein allegaten zu der sach wie eyn  
faust vff ein auge/Sein auch nicht wider der Schösserin  
schreibē/sonder vil mer für sie/wo mans im grunde recht  
anschen wil/wie du den nachfolgendt mercken wirst. Hie  
het aber eins Heinz pfeiffer ein gut straf v̄dinet/der göt  
licher maiestet wort vñkeren vñ gar in einen andern ver  
standt zihen darff/es ist v̄he nicht Christlich / die schrift  
auß geleet nach gefallen / einen spruch auff ein sach  
zwingen/Sonder mer die schrift verfinstern vñ zu nicht  
machen/wie den hei:pfeiffer thut/Das man sagen muß/  
o wie hats narren gereget / mit solchē lamē vñ geflicktē  
schreiben. Aber recht ist hie dem Apt geschehen / welcher  
vormalis gottis warheit durch sein erst schreiben v̄lestert  
solch plage verdienet hat/das er nach dem gerechten ge  
richt gottis muß einē solchē groben vnuerstendigen nar  
B



ren zū einē schutzhern han / oder nach dem sprichwort geet  
es / ein esel muß den andern leckē. Den es wil sunst nimant  
der esel gnad han / wie auch die kirchen sagen. Ist Heinz  
pfeiffer in seinē büch wider die Schösserin / für eben das  
lid pfeiffen / welchs apt Simon fur erstlich angefangen /  
Ein narr schreibt wie der andere / Doch vil groblicher  
narret Heinz pfeiffer den der apt zūvor gethan vñ sages  
Gottis wort zū glauben sey / weiß auch yederman / vñ die  
schösserin het vns solchs nicht aller erst dürffen sagē / vñ  
keret doch balde wider / den geistlichen zu heucheln / Also  
ist gottis wort zū glauben / Spricht er / wie es die Kirche  
hat angenommen / nicht wie es yzt büben vñ bübin predi-  
gen / Vñ komet auch etwas newes zu pfeiffe. das ich war-  
lich fur nicht gewust / ist auch selzam rede in meinen ore /  
vñ spricht / in der kirchen aber komet vber ein böß vñ fro-  
me / der glaubig vñ ungläubig / das kindt der gnaden / vñ  
dz kind des zorns. Lieber woz höre ich hie fur ein new lere /  
Heinz pfeiffer bistu vn Sinnig : wo steet das geschriben /  
zeige an grundt solcher lere. wie Paul<sup>9</sup> zum Rō: 1. that / vñ  
sprach / sein Euangeliū were durch die propheten verhey-  
ssen worden in der heyligen schrift / thu des gleichen / So  
wollen wir dir auch glaubē / Das der böse glaublos men-  
sch auch ein gelide der kirchē ist / aber der esel weiß nicht  
was die kirche ist / redet darvon wie ein blinder vō der far-  
be. Die Christlich fraw hat ye besser vō der kirchen geschriben /  
den du / ob gleych yr schreiben nichts fur dir sein sol /  
wie ydermā sagē muß. Tu sich vñ gotis willē wie d teuf-  
fel sich selbs verraten muß. Oben sagt er büben vñ bübin  
mügen nicht das Euangeliū predigen. Balde wendet er  
sich vñ spricht / böß vñ glaublos leüt sein von der kirchē /  
vñ wies die habē angenommen / also sol mans halten. Was  
flutz mein Heinz yes vpotē wirt / bsich doch dein wort /  
du wirst dich fur dir selbs schemē müssen. Dz du so schnell  
le hast dürffen zwispeltig reden / zū gleych sagen / büben  
mügen nicht dz Euangeliū predigē / vñ zū gleych / die bö-



sen vñ glaublosen sein in der kirchē wie die annemen das  
Euangeliū / also sol māß haltē. Es muß aber ye ein wilde  
wüste kirche sein / do es alles gleich gilt böß vñnd fromē /  
glaubige vñ glaublose. Zie lerestu yderman bosheit vñnd  
schalckheit treiben noch gfallē. Es schadet kein sunde noch  
vnglaub / wens gleich zodomā ist / dē Heinz pfeiffer lere  
dz vnglaub vñ sunde nicht scheidet vō got vñ vß d kirchē  
Es gilt als gleich / böß vñ fromē. Der böß wirt seiner sun  
de halben kein straff leidē / wen die schösserin dermassen  
geredet het / wie du hie thust / hilff got wie wurdestu wid  
sie toben. O jr armen menschē / wie wolt yr entfliehē dem  
kunfftigen zorn gottis / die jr so vnverschempft götlicher  
maiestet wort vnkeret vñ verlestert / vō solchen lewte sa  
get S: Paul<sup>9</sup>. Es werden in den lezte zeiten menschen kō  
men / die vō glauben abtretten / vñ anhangē den yrrigen  
geistern vñ leren der teufel / durch die so in gleyßnerēy lu  
genreder sein ic. vor solchen wortē Pauli stopff beyde ore /  
vñ sag es sey nicht vō euch gesaget / ob jr gleich zehon mal  
erger leren seyt den Paul<sup>9</sup> geweissaget. Das je die prophe  
cey Esa: an euch gotis lesterer war werd / welcher spricht  
dz die gotlosen nach gehörter warheit nur blinder werdē  
vñ sich nichts bewegen lassen mā singe in süß oder sawr  
dz gottis lösterüg in euch nicht aufhöre / vñ ein end neme  
Aber dz mā euch nicht dar fur halte / als seyt jr versürer  
So saget / wie den Heinz pfeiffer thut / der Endchrist ist  
noch lang nicht vorhanden / darüb darf mā sich fur euch ni  
cht besorgē. Vñ greiff aber S. Johan: in dem munde / der  
do sagt / das igt vil endtchrist furhandē sein / welchs doch  
im anfang der kirchē gewesen ist / do noch gnedig zeit wa  
ren / Vil mer ygt in dē lezte tagen / werdē vil widerch: ist  
sein / welche doch ein zeit des zorns vñ vngnad vō Daniele  
dē propheten gnant wirt. Erkēne vñ sehe nu ydermā ewr  
büberey vñ vngrundt schreibē / Sey sich fur euch zühüten  
gewarnet / wie den Christ<sup>9</sup> auch thut Math: 15. in tuem  
mini et caute afermēto phariseorū et saduceorum ic.

B ij



Dise antwort wil ich gestalt han / auf dz vnnütz gschwert  
so Heinz pfeiffer vō der kirchen treibē ist / Er weiß selbs  
nicht woz er klast / dz mich yamert seiner vnwissenheit / dz  
die lewt wōllen bñcher schreibē vñ künnes nicht ist ein ye  
merlich dincf. ¶ Aber dz ist sein meinūg gewest / dz er vns  
wil vō gottis wort weysen zū Bepstliche gehorsam / wel  
chen er die kirchē nennet / wil vns einē menschen ein kirch  
en machen / woz der gepent sol gottis wort sein / vñ der hei  
lig geist than han. Vñ wie wol er dz an hengeret / vnd sagt /  
man sol d kirchē gehorsam sein / wo sie nicht wider got od  
sein gesetz ist / Welchs doch nicht sein ernst gewest ist / al  
lein dz er seine giffte vdeckt / vñ grobe lūgē schmückt / hat  
er disen beysatz gethan: Nachfolgent hat er aber eins sich  
verraten / vñ spricht / Mñchen vñ pfaffen habē nichts ye  
gepotē das wid got ist / Oben sagt er / man muß der kirch  
en gehorchen / das ist dē geistliche regiment / so weyt sie ni  
chts wid got setzen / hie mñchē vñ pfaffen habē nie ichts  
wid got gepotē. Lieber heinz nimm nißwürtz vñ fege dein  
hirn / dz du nicht als groblich narrest / reymē sich doch di  
se zwū redē wie schwarz vñ weiß / Kalt vñ warm / Du hast  
dein pfeiffē ye nicht wol gestymet. sunst wurdstu vil an  
ders laffüren. Es ist aber ein feiste lūgen dz heinz pfeifer  
sagen darff / mñchē vñ pfaffen haben nichts ye wid got  
tis wort gepoten / ey dz reyn volck / es hat nie kein wasser  
trübet / auch alzeit nach d warheit einher gangē. Zeüchel  
vast mein hevtz / vñ fuchschwenz dem Apt getrost gibet  
dir vñlleicht solt drüb / vñ sonst wurdstu nicht also dem  
Apt zū gefallen liegen. ¶ Aber ich wil beweisen dz bapst /  
bischoff / mñchen vñ pfaffen schedlich gevrret habē / vil  
mals. Zum ersten / Ist dz nicht wider gottis wort gelert /  
dz mñchen vñ pfaffen gepredigt han / Man muß vil gū  
ter werck thun / beten / fastē / almūsen geben / wil mā from  
werden / vñ got angemem sein. Ist dz nicht ein heydnisch  
lere / vñ auß Aristotele genomē / auch aller christlicher vñ  
Euangelischer schrifft entgegen / Noch muß das tugent  
sam weiß



sam weib vō dir gelestert werden / vñ liegen / Derhalben  
dz sie gesagt münchen vñ pfaffen / haben wid gottis wort  
gelert vñ gepoten / Ey wie vil wurd des mühe kosten so sie  
deinē lügenmaul wolt entworten solchs zubeweysen / wie  
man hie erstlich merckē kan. Zum andern / haben sie nicht  
auch gelert mā sol kirchen pawen / mess halten / gelt drüb  
geben / altar stifftē / ablaß briue lösen ꝛc. Do thut man ein  
kostlich werck dz got angemem ist / Darmit aber gemacht  
das man die werck d liebe nachgelassen hat vñ verseümet  
gottis gebot mit füßen tritt / vō der menschen fünde we  
gen / wie Mat. 15. Der heri sagt / wo steet aber vō solchen  
wercken geschriben in der schrifft? Ich acht im rauchloß  
zü Rom / vñ ins bapst kirch solt mans wol er finden den  
in der schrifft. In disen zweyen stücken habē münchen vñ  
pfaffen vñ der maledeyt geistlich standt / den glauben vñ  
die liebe / welche zweye einē christen machen / vertilget vñ  
vñstossen / das die mensche nichts vō glauben / wenig vō  
der liebe gewust / Was hetten sie nu mehr vñ größers wi  
der gottis wort setzen mügen / weil sie die haupt artickel /  
des glaubens vñkert han / Die schrifft saget mā sol glau  
ben vñ so gefal man got / Die pfaffen sagen / thu vil güter  
werck so gefelstu got / Christus saget lieb deinen nechsten  
als dich selbs / So sagen yhene / laß kirchē pawen / mess hal  
ten / stifft altar ꝛc. so thust du guttes. Die rede stymen mit  
der schrifft / als tag vñ nacht / noch sol es alles gut sein wz  
sie predigen. Man hüt sich nur wie fur dem teuffel selbs /  
wz münchen vñ pfaffen leren / es ist mensche tandt / durch  
vernüfft erfundē vñ aufgericht wordē / vñ nicht durch vñ  
vō dem munde gottis. Wie d prophet sagt. Hir auß kan  
stu mercken dz die fraw christlich geschriben hat / dz allein  
gottis wort zü glauben sey / Heinz pfeiffer vast geyrret /  
der den apt verschüzen ist / vñ sagen darff / mā sol d kir  
chen glauben / das ist bapst / münchen ꝛc. die selbigen noch  
nie wider gottis wort gepoten / Den sie vil mals geyrret  
vñ wider das wort gottis gelert han / als yetz anzeyget

C



wordē. Ich wolt noch vil stuck erzelen/in welchen d̄ bapst  
vñ geistlichen wider gottis wort stuzen/als do ist vō der  
freyheit der geistlichen/vō verpütung der speiß tag/Klei-  
der ic. vō aufrichtung der bettel orden vñ dergleichen vn-  
nützlich yrthums vil. Ich hab aber vñ kürz willen yzt  
vnterlassen/welchs ich weyter anzeigen wil / wo Heyntz  
pfeiffer aber eins schreibē wirt. ¶ Also ist es auch nicht  
war/das er sagt/münchen vñ pfaffen haben warheit zū d̄  
warheit/das du auß oben angezeigter schrifft sehē kanst/  
Sonder lügen vñ giff vnters wort gottis gemenget/vñ  
darmit die welt verfürt/wie der prophet sagt/ et seducis  
tis populū meū credenti mendacijs. Es ist yhe lügē alles  
was menschen lerē/allein got ist warhafftig. ¶ Es schilt  
Heyntz Pfeiffer auch solch lere der schösserin offentlich ke-  
zerey/vñ yrthum̄ das sie hat geschriben/der schrifft ist zū  
glauben allein/vñ das der heilig geist lere nichts anders  
nachmals den was er furmals in die schrifft hat verassen  
lassen/vñ ist im selbs nicht entgegen.wie dan Job. 33. ge-  
schriben / Got hat ein mal geredt/weytter sol man nicht  
fragen. Ey du arme frawe wie höchlich must du hie geyr-  
ret han/Vnd weñ nicht die schrifft so vilmals dich ver-  
schuzt/solstu dich recht fur solchē geschrey furchten müs-  
sen / aber der from̄ David entnymet dir solch forcht an.  
73. psal: saget er Attendite popule me<sup>9</sup> legē meā inclina-  
te aurē vestrā in verba oris mei. Item die stym̄ des vaters  
zū dem son. Hic est fili<sup>9</sup> me<sup>9</sup> dilect<sup>9</sup> ipsum audite. Eben dz  
wolten die stocknarn in dē Cöcilio zū Costentz auch / Der  
heilig geist het es nicht alles in die schrifft vassen lassen.  
Sonder dem Bapst zū offenbaren furbehalten. Darumb  
must man on alles widersprechen dem Bapst gehorchen.  
fantisirt heintz Pfeiffer hie auch/vñ saget entlich auch dz  
der heilig geist noch teglich vil dinges leret/ das widder  
Christ<sup>9</sup> noch yrgendt in einer schrifft gefunden wirt. Lie-  
ber Heyntz sage doch ein dingē/machs war/dz gewiß ist/  
etwas ye vō heiligen geist gelert worden/vnd doch nicht  
in der schrifft gefunden wirt. Ich muß aller erst ein new



Theologia lernen / die nicht in der schrift ist / Sonder der  
heilig geist muß es leren vñ offenbaren. Du hast vil lewt  
wollen von der himelischen stym sagen / do von ygt auch  
vil propheten gauckeln / vñ doch alzeit vngewiß bleiben /  
weil sie an schrift anher faren / vnd die menschen auff die  
hymelischē stym führen wollen / Wen̄ yre vnd deine treüm  
war weren / wo bleibet den̄ der spruch Christi. Joh: 6. Der  
heilig geist wirt euch leren / was ich euch fur gesagt han.  
Deut: 12. Du sollest nichts ab noch zū thun / zū meinē wor  
ten / Selten solche spruch nichts fur dir : oder ist's den̄ al  
les vnrecht was in d̄ schrift geschriben ist. Ich halte wie  
man̄ dan̄ auch mercket / das du als vil in d̄ schrift studirt  
hast / als ein saw in der judenschül. Dannochedarffst zūfarē  
vñnd ein' büch machen vol lügen vñ lesterūg / Als het mā  
nie new dinc̄ gesehen / müst aller erst deiner geigen zūhö  
ren. Itē Paul' leret Titū / er sol halten ob dem gewissen  
wort der lere / welche er zūvor vō Christo empfangen het /  
vñ hie Titō zū leren bestelt / vñ nichts anders / ya straffen  
vñ weren sol die so anders lerten / sol es den̄ ein gewiß lere  
sein die man predigen sol / So muß ye gewißlich zeügnuß  
auß der schrift do sein / do mit man̄ solche lere bekräftiget  
vñ war mach / Wen̄ man̄ der offenbarūg des geistes war  
ten müst / der aller erst leren sol wie man predigē sol / wur  
den wir alzeit vngewiß bleiben / ob es der heilig geist thā  
het vñ die warheit were / nach dem S. Paul sagt / der teuf  
fel kan sich auch verstellen in einen Engel des liechts.  
¶ Derhalben sich nur zū / vñ halte fest vngeweiffelt / das  
nichts den̄ gottis wort zū glauben ist / wie den̄ das christ  
lich weib geschriben hat / Laß dich die narren teding des  
zeingens nicht yrr machen / der do sagt / der heylig geyst  
muß noch vil leren / welchs nicht in der schrift ist. Item  
man̄ wol warheit zū d̄ warheit thun / dz ist als vil gesagt  
wen̄ mā kot an ein latthern schmiret / so wurde sie liechter  
scheynen. Also ist eben auch wen̄ man mit menschlicher vñ  
nunfft in der schrift handeln wil / so vñstert mans nur /



vñ macht es tuncfker. Das ist das erst das Heinz pfeiffer  
von der kirchen vnd gottis wort wider die schöfflerin fels  
schlich erdicht hat one grundt der schrift / Auch darnebe  
vil vnnütz geschweiz eingefürt vñ vnter gemenget hat /  
welchs ist doch so offentlich wid die schrift das ich acht  
es darff keiner widerlegung / lügen seyn keiner antwort  
wert. ¶ Zum andern sagestu das mā etwan got dem herie  
gedienet hat / yzt nemen die newen Euāgelisten weyber /  
vñ gehen vō geist zum fleisch / vñ halten das geschehē ge  
lūbdnuß nicht wid dz gepot gottis vonete et reddite ic.  
Das chřstlich weib hat gnugsam mit schriften beweyst /  
dz nerrisch gelūbdnuß nicht zūhaltē sein / auß vñnerstādte  
geschehen / Da kein gelūbdnuß nicht ist / Bindet den mens  
schen nicht / wo er one sūnde dz selbig nicht lassen kñndt.  
Solchs alles ist vō den lewtē vnangesehen / faren vñ tra  
chten nur do hin / wie sie lestern mechten / vñ schemen sich  
nicht offentlich die warheit zū verneynen wider yr eygen  
gewissen / das mich warlich wunder nympt hochlich yrer  
torheit / vñ erschrick fur irer grossen lesterung / das so gar  
kein forcht noch eherbietung götlicher maiestet / vō men  
schlicher creatur geschicht / der doch alle dinc seynethal  
ben geschaffen hat. Ach du lieber got was hast du doch d  
schalckhafftigen welt gethan / das sie so einmütig wider  
dich vñ dein chřsten streyten vñ fechten ist. Hat den Got  
der herz nicht bessers vñ dich verdienet / du schlangē art  
vñ ottergezicht / den dz er seinen son fur dich in todt gege  
ben / vñ teglich noch mit wolthat dich vberschiitten ist /  
Solchs hastu alles vergessenn / min dich ruste / wie du den  
namen gottis vertilgen mechst / Der Apt vō Pegaw hat  
vormals gottis wort vlestert / dar an yzt Heinz pfeiffer  
auch meyster worden ist. Es ist noch war / was Simeō ge  
weyffagt hat dz Christus ist gesagt zu einem zeichen dem  
wider gesprochen sol werden. ¶ Den es sehe yderman wie  
Heinz pfeiffer der grobe Esel anleufft / vñ widerspricht  
Christo / vñ götlicher maiestet wort / vñ sagt mā habe et



wan got gedienet yrgt nem̄ man weiber / Lieber was hōre  
ich hie newes. Ist den̄ der Kelich standt nicht gottis ord  
nung: oder kan man nicht got dienen im Kelichen lebē:  
oder sein alle menschē so in der Ke sein verdampt vñ des  
teuffels: Es solt einē kaum als selzam treümē / als heinz  
pfeiffer mit der schrifft vmbgehen ist / vñ wil dennoch res  
cht vñ wol gelert han / vnd wer in straffen darff / muß ein  
lesterer sein / vñ muß den negsten nicht lieb haben / gleych  
als wer es nicht die höchste liebe solch lesterung vñ falsch  
traum merling zū straffen vñ zūentdeckē / das sich christē  
zū hüten wüsten. Ey wolt yr nicht hören zū gleich apt vñ  
hoffirer / das man euch narn lesterer / lügenreder heiß / So  
thut solchs auch nicht / treybet yr doch solch sūnde offent  
lich / vñ so grōblich das auch stein vñ holz vber ewr groß  
blintheit schreyen möcht / Laufft zū der schrifft / wie ey  
nar: zū der pfeiffen / vñ lallet do her / Man v̄pent gottis  
dinst / man lebe fleischlich / alle tugendt gehen zū boden ic̄  
wist selbs nicht was gottis dienst vñ recht schaffnē tugent  
sein. Meynestu daß / das gottis dienst heist tag vnd nacht  
schreyen / vñ prüllen in der kirchen wie ein ochs auff dem  
marct: Des gleichen sein auch kein nicht recht schaffne  
tugende wie yr sie nēnet / clōsterliche Keuscheit / gehorsam  
vnd armūt / Es ist nicht mer den̄ ein scheyn vñ gleißnerey  
von der Keuscheit / gehorsam vnd armūt / wie den̄ der Apt  
selbs wol weiß wen̄ ers wissen wil. Ja der teuffel hat sol  
ch tugendt gelert / vnd vnter die Christenheit gemenget /  
sūnde zū meren vñ vil zū machen. ¶ Die Schōsserin  
aber hat geschriben vñ Kelichen leben / das es von got ein  
gesagt wordē ist. Gen: 2. Crestite et multiplicamini. Dar  
aus sich niemant schliffen sol noch sondern / den̄ wen̄ got  
selbs auß schleust vñ sondert / das ist wer den reychē geist  
gottis hat / vñ willig Keuscheit halten kan / der mag wol  
nicht Kelich werden / Ander alle sampt sein zu der Ke ge  
zwungen sūnde zū entfliehen ic̄. Dar wider schreibet Heinz  
pfeiffer / man kan im Kelichen leben got nicht dienen / dz



ist als vil gesagt wie sein wort mit sich bringen / Gottis  
ordnung ist falsch / vnd die Ehe ist vnrecht. Wer in den  
Eelichē standt sich begibet / wirt zum teuffel faren. Also  
sollen sich selbs schenden die gottis wort wider sein. Wa  
rumb hat S: Paulus die Eelichen gelert wie sie sollen le  
ben Tit: 2. weyl man im Eelichen standt got nicht dienen  
kan. 2c. Got muß dein lügner sein der do saget. Es ist nit  
gut das der mensch allein ist. Darwider schreyestu es sey  
gut / vnd muß also sein / der mensch sol sich nicht nach der  
ordnung gottis gesellen / er kan got sunst nicht dienen /  
wen kinder also redten / solt man sie mit rüten schlagen /  
Es sein lewt / darvon Sanct Paulus. quorum deus ven  
ter est:

¶ Hie sihet man aber eins / das die  
christlich fraw vñ Eelichen leben warhafftig geschriben  
hat / auch der schrift gemess. Vñ wolt got das man yr fol  
get / vil vil grewlicher sunde wurden noch bleyben. Aber  
Heinz pfeiffer / das Eelich lebē verdampft / wider gottis  
ordnung vñ gepot / als kunt man got nicht dienen im Ee  
lichen leben / welchs doch erlogen ist / wie er weist: Saget  
er aber / er hab von denen geredt die Keuscheit geloben / vñ  
nicht halten / auß den clöstern lauffen vnd ehelich werdē.  
Das hilfft auch nicht / denn der spruch Gene: stretchet sich  
vber alle menschen / sie sein im closter oder nicht / So bind  
det das gelübduß euch nicht wider gottis wort / gelobe  
hin vñ her wider Keuscheit / so kanstu es nicht halten got  
gebe den sein gnade / dz du es haltē kanst / wo er die nicht  
gibet so bindet das gelübduß nicht / Sonder sollest vnd  
mußt clöster / kappen / vñ platten ligen lassen / vnd Eelich  
werden / wilt du anders sunde meyden / Den got hat dich  
zū Eelichen stande geschaffen / anders wirstu dich nicht  
machen. Eben als wenigk / als du dich nicht anders schaf  
fen kanst / vnd nicht essen noch trincken / auch als wenigk  
kanstu dich des Eelichen standes euffern on sunde. Wie  
den die Schösserin christlich auch grundtlich darvon ge  
schriben hat. Darüb hab ich yetz abbrochen / vñ will mit



Kurzen Worten sein lügen widerleget haben.

Es hat sunst noch vil lügen geschriben / Heinz pfeffer  
die ich nachlaß / Es verdreißt mich / das ich vō solchen la-  
men zotten schreiben sol vñ papir darmit verderben. Ich  
will yhm wol die stelzen baß bestreichen wo er mit sey-  
ner geygen wider kōmen wirt / vnd also nerisch dingē zū  
marckt bringen. Ich gedacht ym anfang / einer het dem  
Apt zū schmach vñd hon solch büchlein lassen druckē /  
biß ich entlich vmarckt das sein ernst war / vñ Petr<sup>o</sup> auch  
sagt es würdē menschen sein die got der sie erkauft hat /  
wurden verleugnen / Do must ichs glauben / das Heinz  
pfeffer solcher narin auch einer were.

¶ Auß diser kurzen schrifft kanstu mercken / den grundt  
des Büchleins so die Schösserin wider den Apt gestalt  
hat / vñ wie on vsach ya felschlich dises Christliche weyß  
von Heinz pfeffer ein Kegerin gescholten wirt / das ehr  
doch nicht beweysen wirt kōnnen vnd war machen / weñ  
er gleych thōricht wurde. Auch wie Heinz pfeffer die  
schrifft einfürt das yamer ist / Got gebe vns allē sein gna-  
de vnd sein selbs erkenntniß. A M E N.



29. 017 07

Faint, illegible text, possibly bleed-through from the reverse side of the page.

Faint, illegible text or stamp at the bottom center of the page.

W.C.





ULB Halle  
003 265 20X


3











B.I.G.

Farbkarte #13

Wk. 202. 28

Vg  
613

# Apologia für die Schöfferin zu Eysenbergk

Auff das gotlose Büchlin so für Ern Simō  
So sich schreybt von Gots vnnnd des  
Römischen Stüls gnaden  
Apt zü Pegaw.:

C.D.V. Vrid est. Cong Diometers von Nicolaß  
hausen/auff h.p. V. h. id est. Heinz  
pfeffers von Hümpelbach.

Mathei. 21.

psalmo. 8: Ex ore infantium et lactencium perfecisti laudem  
propter inimicos tuos / vt destruas inimicum et vltorem.

BIBLIOTHECA  
PUNICKAVIANA

UNIVERSITÄTS-BIBLIOTHEK  
HALLE  
(SAALE)